

Guangjisi Minzcu Bau

ganbbau: CN45-0036 B.2016 Nd.7 Ng.20 liggaueq bingjsaen nienz ndwenloeg cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3233期

Vehbangxdat Byaraiz Cojgyangh Guengjsae Ndae Liedhaeuj Sei qgyaiq Yizcanj Mingzloeg

广西左江花山岩画文化景观列入世界遗产名录

7 nyied 15 hauh, Lenzhozgoz Gyaugohvwnz Cujciz Sei qgyaiq Yizcanj Veijyenzei Gaiq Daih Sei qib Veiyi youq Dozwjgizyihshdanj-buwj banh haenx, vwnzva gingjvahn vehbangxdat Byaraiz Cojgyangh Cungguk ndaej swnhleih liedhaeuj sei qgyaiq yizcanj mingzloeg. Sei qgyaiq yizcanj cungsoq guk raeuz gaenq daengz 49 dieg, laebdaeb baumaenh diegvih lingxdaeuz sei qgyaiq daihngaih.

Vwnzva gingjvahn vehbangxdat

Byaraiz Cojgyangh youq Guengjsae Cungguk, youz 3 aen gizdieg vwnzva gingjvahn vehbangxdat maedcomz, ceiq miz daiqbiuj haenx gapbaenz, baugvat 38 aen diemj vehbangxdat (gungh 109 dieg vehbangxdat, 4050 aen doziengq), gij bya veh vehbangxdat caeuq gij dieg doiqmienh, nem ranghdieg Dahcojgyangh, Dahmingzgyangh daih'iek 105 goengleix haenx, mienhcik itgungh 6621.6 gunghgingj,

Sei qgyaiq Yizcanj Veijyenzei

nyinhnaeuz, vwnzva gingjvahn vehbangxdat Byaraiz Cojgyangh baijyienj gij gingjvahn caeuq rindat yisuz daegbied, sengdoengh dwk yienh'ok gunghyenz gonq 5 sigij caeuq gunghyenz 2 sigij geizgan, gij cingsaenz saedceij caeuq gwnzbiengz saedceij vunzloegvet geq youq ranghdieg henz Dahcojgyangh. Neix dwg seizneix doiq gij conzdungj neix dandog guhcingq.

(Vangz Gyoze Bangz Gwzbingz)

SIUSIK DINJ

简讯

● 7 nyied 12 daengz 16 hauh, Gunghcwnz Yen Cunggukgunghvei caeuq Yinzsegiz lienhab banh song geiz banbeizyin gwnz vangj gaicawx doxgaiq reihnaz mbouj aeu cienz. Doenggvaq beizyin, hawj yozyenz sugrox gwnz vangj baenzlawz gaicawx, yungh denswj sanghvu bingzdaiz aeu Dazbaujvangj guh daiqbiuj haenx hai diemqvangj, caemhcai q gag rox guhsat hong ngoenznaengz henhoh caeuq guh gaicawx doigvangq.

(Liengz Veih Cwnz Yi)

● 7 nyied 13 hauh, Cingsih Si banh "gyajseizhwnq angqyangz vwnzyi caezbyaij" vwnzyi bangrex bangvai beizyin hozdung. Ngoenzhaenx, 20 lai boux bouxgagnyienh vwnzyi dozveh, diuqfoux, suhfaz daengj daengx si, son'gyauq 200 lai boux hagseng suhfaz, dozveh, diuqfoux daengj cihisiz mbouj aeu cienz, beizyin yaek laebdaeb daengz 7 nyied 29 hauh.

(Vangz Limeij Ciz Veij)

● 7 nyied 14 hauh, Hocouh Si Bazbu Gih Minzcunghgiz cujiciz bouxguh hong daengz ciengzdieg cunghgyau hozdung dieg guenleix haenx guh ancienz genjcaz. Genjcaz iugouz: aeu gyagiengz lingjdauj, guh ndei hong bonjfaenh, giengzvaq cidu, fugsah daengz vunz; aeu gyagiengz senhconz, daezsang yisiz, iugouz gak ciengzdieg hozdung yiemzgek ciuqsouj gyaudoeng cizsi caemhcai q nem gingjsi byauhyij, cau aen vanzging ndei ndeu hawj vunzlai.

(Mwz Ginjswng)

● Mboengqneix, Yungzsuij Myauzcuz Swciyen aen hoih hong yivu gyauyuz bingzyaenx hwngfat nem yezvu beizyin youq aen yienh neix Minzcuz Veivu Cungsime ciuhai. Aenhoh giengzdiuh, doicaenh yivu gyauyuz bingzyaenx hwngfat, daengx yienh aeu daezsang roxyiuj, gig yawjnaek; dinghmingz cwzyin, lozsiz hengzdoengh; doxgiet doxbang, haekfug hojnanz, vih doicaenh gyauyuz ndei hwngfat, henhoh gyauyuz goengbingz, banh gij gyauyuz beksingq hab'ei q guh ok gungyen moq.

(Cinz Cunghdwz Liengz Suihih)

Denzyangz: Diuqfoux Yiengjsouh Cangqheiq

田阳:群舞飞扬 享乐健康



7 nyied 16 daengz 17 hauh, Denzyangz Yen youq Singzgaeuq Denzcouh banh fouxgvangcangz doxdax, 35 aen doihdiuqfoux yezyiz 500 lai boux bouxgyaez diuqfoux daj daengx yienh singzmbanj daej haenx doxlwnz hwnjdaiz biujyienj diuqfoux, yungh gij yiengh diuqfoux ndei yawj caeuq gij yaemwenq diuqfoux ndei dingq, soengq daiz vwnzva ngaizhoengh ndeu hawj gyoengq bouxyawj. Ndaw doz dwg bouxyienj youq gwnz daiz biujyienj fouxgvangcangz.

(Vangz Gozsun/黄国顺)

Hocouh Si Doidoengh Swnjcienz Caeuq Hwngfat Vwnzva Yizcanj

贺州市推动文化遗产传承和发展

Bineix doxdaeuj, Hocouh Si dawz vwnzva yizcanj daegbied dwg feihvuzciz vwnzva yizcanj baujhoh saehnieb dangguh diemj youqgaenj swnjcienz hawsingz rengzmingh, comzgiet hwngfat rengzgietcomz, daezsang vwnzva saedlig' unq, yungh lai cungj banhfap, netsaed guhhong, haenqrengz doidoengh swnjcienz caeuq hwngfat feihvuzciz vwnzva yizcanj aen si neix.

Bineix, Hocouh Si hainduj "feihyiz haeuj hagdangz" swnjcienz vunqsik, doenggvaq youq Hocouh Yozyen laeb "Ndangdaenj Yauzcuz

Hocouh Yozyen Swnjcienz Gihdi", doiq baengh gij feihyiz swnjcienz vunqsik hagdangz gohyenz caeuq lwgsae guh damqra, gihdi baengh gijndeih hagdangz gohyenz, gyahaeuj leixniemh dajveh ndangdaenj daihneix, hawj Hocouh 《Ndangdaenj Yauzcuz》 youq saedceij guhhong caeuq riuzbienq seiz ndaejdaengz cienzmienh hwngfat, doidoengh hong baujhoh feihyiz Hocouh Si caeuq son'gyauq vunzcaiz baujhoh feihyiz.

Doengzseiz, Hocouh Si haenqrengz bangcoengh swnjcienz baujhoh feihyiz, doenggvaq bangcoengh

《Ndangdaenj Yauzcuz》 Budouz Cin Vangzsiz Swnghcanjsing Baujhoh Sifan Gihdi, gihdi yungh "naj diemq laeng mbanj", youq aenmbanj Yauzcuz cigciep laeb gihdi daengj vunqsik, haiguh swnjcienz baujhoh. Gihdi binaengz swnghcanj Siuqyauz 10000 benq(gaiq), conzdungj ndangdaenj Yauzcuz 2000 lai dauq, caemhcai q aeu 《Ndangdaenj Yauzcuz》 doicaenh hagdangz, aenmbanj, segih, hoihgaicawx, guekgia gaep bozvuzgvannj daengj.

(Cinz Ciuhlingz/覃秋零)